



**Adattamaint contrat rumida da naiv Curdin Graf, Brail**

Il contrat cun Curdin Graf per la rumida da naiv a Brail datescha da l'on 2006. Il contrat es uossa gnü adattà cun pitschens tocs vias, chi sun da rumir implü e l'indemnisaziun pauschala es gnüda adattada a l'incharimaint.

**Implant da tir Val Gianzana 300m/50m - sanaziun**

Per planisar la sanaziun dal paracullas dal stand da tir Val Gianzana 300m/50m ha la suprastanza cumünala surdat l'incumbenza al büro Baugeologie und Geo-Bau-Labor AG a Cuaira.

**Nouv local da pumpiers in Cul**

Dal 2017 ha il Cumün da Zernez cumprà il stabilimaint no. 40H in Cul. Üna part da quist stabilimaint dess gnir transmüdà e servir in avegnir sco local da pumpiers. La suprastanza ha dat glüm verda per iniziar il proget. Il credit necessari d'eira gnü deliberà da la radunanza da preventiv in december 2017.

**Plan da svilup da god**

Dürant la primavaira 2018 ha l'uffizi da god e privels da la natüra (AWN) miss in consultaziun il plan da svilup da god. Il cumün vaiva pudü inoltrar seis giavüschs fingià ouravant e la gronda part d'eira eir gnüda resguardada. La suprastanza ha acceptà la resposta positiva a l'uffizi chantunal a regard la consultaziun dal plan da svilup da god.

**Büro electoral per las reelecziuns/elecziuns cumünalas 2018**

La suprastanza ha elet il büro electoral per las votaziuns e reelecziuns/elecziuns cumünalas dals 23 settember e dals 21 october 2018.

Al büro electoral dals 23 settember 2018 fan part: Martina Peretti sco presidenta, Jachen Gaudenz, Duri Padrun, Corsin Scandella, Arno Felix e Susanna Denoth.

Al büro electoral dals 21 october 2018 fan part: Jachen Gaudenz sco president, Duri Padrun, Corsin Scandella, Giovanna Weber, Adriana Müller e Riet Felix.